

«ԱՐԴՅՈՒՆԱԲԵՐՈՒԹՅԱՆ ՉԱՐԳԱՑՄԱՆ ՀԻՆԳ ԳԵՐԱԿԱ ՈԼՈՐՏՆԵՐԻ ՀԱՅԵՑԱԿԱՐԳԻՆ ՀԱՎԱՆՈՒԹՅՈՒՆ ՏԱԼՈՒ ՄԱՍԻՆ»

ՆԱԽԱԳԻԾ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

2022 թվականի-ի NԼ

«ԱՐԴՅՈՒՆԱԲԵՐՈՒԹՅԱՆ ՉԱՐԳԱՑՄԱՆ ՀԻՆԳ ԳԵՐԱԿԱ ՈԼՈՐՏՆԵՐԻ ՀԱՅԵՑԱԿԱՐԳԻՆ ՀԱՎԱՆՈՒԹՅՈՒՆ ՏԱԼՈՒ ՄԱՍԻՆ»

Հիմք ընդունելով Հայաստանի Հանրապետության Սահմանադրության 146-րդ հոդվածի 2-րդ մասը և ՀՀ կառավարության 2021թ. նոյեմբերի 18-ի «Հայաստանի Հանրապետության կառավարության 2021-2026 թվականների գործունեության միջոցառումների ծրագիրը հաստատելու մասին» N 1902-Լ որոշմամբ հաստատված հավելված 1-ի «Էկոնոմիկայի նախարարություն» բաժնի 7.1 կետի՝ Հայաստանի Հանրապետության կառավարությունը **ո ր ո շ ու մ է.**

1. Հավանություն տալ՝

1) «Արդյունաբերության գերակա ոլորտների զարգացման հայեցակարգին»՝ համաձայն հավելվածի:

2. Սույն որոշումն ուժի մեջ է մտնում հրապարակմանը հաջորդող օրվանից:

Հայաստանի Հանրապետության

**վարչապետ
Նիկոլ Փաշինյան**

Հավելված

ՀՀ կառավարության 2022 թվականի-ի

NL որոշման

ՀԱՅԵՑԱԿԱՐԳ

ԱՐԴՅՈՒՆԱԲԵՐՈՒԹՅԱՆ ԳԵՐԱԿԱ ՈԼՈՐՏՆԵՐԻ ՉԱՐԳԱՑՄԱՆ

1. Նախաբան

Հայաստանի տնտեսության համար կարևոր նշանակություն ունի արդյունաբերության ճյուղը, քանի որ ՀՆԱ-ի ձևավորման գործընթացում վերջինիս մասնաբաժինը կազմում է 1/5-րդ մասը:

Տնտեսության այս ճյուղը միշտ գտնվել է Կառավարության ուշադրության կենտրոնում և հատկապես մշակող արդյունաբերության ուղղությունը: Դեռևս 2011 թվականին Կառավարության կողմից իրականացվում էր արտահանման ուղղվածություն ունեցող արդյունաբերության զարգացման ռազմավարություն՝ շեշտադրում կատարելով մշակող արդյունաբերության ճյուղերի վրա:

Հարկ է նշել, որ արդյունաբերության ճյուղը, ունենալով զարգացման որոշակի մակարդակ, այնուամենայնիվ դեռևս ունի զարգացման մեծ ներուժ, մասնավորապես արտադրության և արտահանման ծավալների ավելացման առումով:

Ելնելով վերոգրյալից՝ անհրաժեշտություն է առաջացել արդյունաբերական ճյուղի զարգացման նոր ռազմավարական մոտեցումների ընդունման և իրագործման:

2. Հայեցակարգի նպատակը և գերակա ճյուղերը

Սույն հայեցակարգի նպատակն է սահմանել առաջիկա հինգ տարիներին արդյունաբերության զարգացման համար գերակա ճյուղերը և նախանշել զարգացման ռազմավարական ուղղությունները:

Գերակա ոլորտների զարգացման ռազմավարական ուղղությունների հանրագումարը արդյունաբերության ճյուղի համար պետք է ապահովի՝

- արդյունաբերական արտադրանքի մրցունակության բարձրացում,
- արդյունաբերության արտադրողականության բարձրացում,
- արդյունաբերական արտադրանքի արտահանման դիվերսիֆիկացում և՛ ապրանքների, և՛ արտահանման ուղղությունների,
- տեղական արդյունաբերական արտադրանքի ներքին շուկայում տեսակարար կշռի ավելացում:

Արդյունաբերության գերակա ճյուղերի ընտրությունը իրականացվել է՝ հիմք ընդունելով հետևյալ չափորոշիչները՝

- բարձր ավելացված արժեքի ստեղծում,
- արտահանման ներուժի առկայություն,
- աշխատուժի կլանման լայն հնարավորություններ,
- Նորարարության և նոր տեխնոլոգիաների կլանման հնարավորություն,
- տեղական հումքի առավել խորը վերամշակման հնարավորություն,
- միջազգային պահանջարկով ձևավորված նոր արտադրատեսակների արտադրության հնարավորություն,
- կանաչ արդյունաբերության ստեղծման հնարավորություն:

Սույն հայեցակարգով առանձնացվել են արդյունաբերության գերակա հետևյալ ճյուղերը.

- թեթև և սննդի արդյունաբերություն,
- ոսկերչություն և ադամանդագործություն,
- ծանր արդյունաբերություն (մետալուրգիա, քիմիա),
- սարքաշինություն (սարքեր, մեքենաներ, արևային տեխնոլոգիաներ),
- դեղագործություն:

3. Թեթև և սննդի արդյունաբերություն

3.1 Թեթև արդյունաբերության զարգացման ուղղությունները և հեռանկարները:

Ներկայումս Հայաստանի թեթև արդյունաբերության ոլորտում արտադրանքի հիմնական բաժինն ընկնում է հագուստի արտադրությանը, իսկ այդ ենթաճյուղում կան 2 հիմնական տեսակի արտադրողներ՝ արտերկրյա ընկերություններին կարի ծառայություն մատուցողներ և սեփական արտադրանք արտադրողներ:

Մինչև ԵԱՏՄ-ին Հայաստանի անդամակցությունը ենթաճյուղում արտադրանքի արտահանման ուղղվածությունը դեպի ԵՄ երկրներ էին (ի հաշիվ արտապատվիրման), սակայն հետագայում ԱՊՀ երկրներ արտահանման ծավալներն սկսեցին դինամիկ աճել: Սակայն հարկ է նշել, որ դեռևս առկա է

մեծ ներուժ:

Ոլորտի հիմնախնդիրներից են մասնագիտական կրթության անբավարար մակարդակը, որակյալ աշխատուժի անբավարար առաջարկը, աշխատուժի ցածր արտադրողականությունը, ընկերությունների բրենդինգի և ոլորտի առաջնության անբավարար մակարդակը, արտահանման և ներքին շուկաների ներուժի օգտագործման ցածր մակարդակը և այլն:

Թեթև արդյունաբերության ոլորտը Հայաստանում կարելի է որակել որպես կայուն զարգացող, սակայն անհրաժեշտ է իրականացնել հավելյալ քայլեր զարգացման նոր ուղղություններ հիմնելու նպատակով: Չարգացման ուղղություններն ընտրելիս պետք է առաջնորդվել այն հանգամանքով, որ տեղական արտադրողների համար շուկա է հանդիսանում միջին և միջինից բարձր սեգմենտը: Հայաստանն իր աշխարհագրական դիրքով մոտ է վերջնական արտադրանքի իրացման հիմնական ու վճարունակ շուկաներին և ունի աշխատուժի գին/որակ հարաբերակցության բավարար մրցունակ մակարդակ:

Ոլորտի զարգացումը պետք է դիտարկել թե՛ արտապատվիրման հնարավորությունների զարգացմամբ (մասնավորապես մասշտաբայնացնել եվրոպական երկրներից հիմնականում միջին և բարձր որակի արտադրանքի պատվերների ներգրավումը) և թե՛ սեփական բրենդերի ստեղծմամբ և զարգացմամբ՝ մեծացնելով սեփական արտադրանքի արտահանումը ԵՄ և ԱՊՀ շուկաներ:

Ոլորտի զարգացման համար կարևոր նախապայման է նաև արտահանման շուկաների դիվերսիֆիկացումը:

Առաջիկա հինգ տարիների ոլորտի զարգացման ուղղությունները կլինեն հետևյալը՝

Ոլորտում արտապատվիրման հնարավորությունների զարգացումը, մասնավորապես միջազգային բրենդերի կողմից նոր պատվերների տեղադրումը,

- Տեղական հումքային հնարավոր բազայի ստեղծումը,
- Արտահանման շուկայի ընդլայնումն ու դիվերսիֆիկացումը,
- Տեղական շուկայում տեղական արտադրանքի իրացման ծավալների ավելացման խթանումը,
- Սեփական բրենդերի ստեղծումը և զարգացումը,
- Համապատասխան մասնագիտական կադրերի ապահովումը,
- Մոդելային բիզնեսի (միջին և միջինից բարձր սեգմենտներում) ներդրումը և զարգացումը:

Վերոնշյալ զարգացման ուղղությունների համար կներդրվեն տարբեր գործիքներ և կիրականացվեն միջոցառումներ, մասնավորապես.

- Արտադրողականության բարձրացման և մրցունակ արտադրանքի թողարկման նպատակով կներդրվի տեխնոլոգիական վերազինման պետական աջակցության գործիքակազմ:

- Կկազմվի թեթև և ստեղծագործ արդյունաբերության զարգացման ռազմավարություն:
- Կներդրվեն գործիքներ, որոնք կապահովեն անխափան և մրցունակ բեռնափոխադրում:
- Կստեղծվի թեթև և ստեղծագործ արդյունաբերության զարգացման կլաստեր՝ թվինիզնի մեթոդով, որը կունենա միասնական ծառայությունների գերազանցության կենտրոն:
- Կձևավորվեն գործուն մեխանիզմներ մասնագիտական և բանվորական կադրերի պատրաստման համար:
- Կմշակվեն աջակցության գործիքներ՝ ուղղված տեղական հումքային բազայի ստեղծման և ներկրվող հումքի հասանելիության ապահովման համար:
- Կադրերի պատրաստման նպատակով կբարձրացվի կրթական հաստատությունների հետ համագործակցության արդյունավետությունը: Մասնավորապես, ՄԿՈԼ և այլ պետական կրթական հաստատություններում կիրականացվի դուալ կրթական մեթոդաբանության ներդրման պիլոտային ծրագիր: Կկատարվեն քայլեր ոչ ֆորմալ ահեստագործական կրթական հաստատություն ներդնելու ուղղությամբ:
- Կխթանվի ԵԱՏՄ միասնական շուկայի հնարավորություններից օգտվելը, մասնավորապես անդամ երկրների պետական գնումներին մասնակցության հնարավորությունների ընդլայնման մասով:
- Ներքին շուկայում կստեղծվեն պայմաններ ներկրվող նմանատիպ ապրանքների հետ հավասար մրցակցության համար, մասնավորապես՝ մաքսային, սերտիֆիկացման, գովազդային և այլ գործընթացների արդյունավետության բարձրացմամբ:
- Կշարունակվեն գործող և կներդրվեն նոր աջակցության գործիքներ արտաքին շուկաներ առաջմղման նպատակով:

Ակնկալվող արդյունքը

Վերոնշյալ զարգացման ուղղությունների և միջոցառումների ապահովման տրամաբանությամբ ակնկալվում է, որ մինչև 2026 թվականը մի քանի անգամ կավելանան ոլորտի արտադրության և արտահանման ծավալները, մասնավորապես՝

- Արտադրության ծավալը 2026 թվականին կկազմի մոտ 400 մլն ԱՄՆ դոլարին համարժեք դրամ:
- Արտահանման ծավալը 2026 թվականին կկազմի մոտ 350 մլն ԱՄՆ դոլարին համարժեք դրամ:
- Աշխատողների թվաքանակը 2026 թվականին կկազմի մոտ 30 հազ. մարդ:

3.2 Սննդի արդյունաբերության զարգացման ուղղությունները և հեռանկարները:

Հայաստանի մշակող արդյունաբերության մեջ սննդի արդյունաբերությունը հանդիսանում է ամենախոշոր և բազմապրոֆիլ ճյուղերից մեկը: Այն ներառում է մսամթերքի, պահածոների, կաթնամթերքի, հրուշակեղենի և այլ արտադրատեսակների արտադրության սեգմենտները:

Այս առումով սննդի արդյունաբերության ճյուղը ներկայացված է թե՛ տեղական և թե՛ արտաքին շուկաներում: Սակայն պետք է նկատել, որ ճյուղի արտահանման մանաբաժինը ավելի փոքր է իրացման մեջ: Այնուամենայնիվ, այն ունի արտահանման զարգացման մեծ ներուժ:

Առաջիկա հինգ տարիների ոլորտի զարգացման ուղղությունը կլինի հետևյալը՝

- ոլորտի արտադրանքի որակի բարձրացմանն ուղղված միջոցառումների ներդրումը,
- նոր շուկաներ մուտքի ապահավում և ավանդական շուկաներում ներկայացվածության ընդլայնում,
- տրանսպորտային ենթակառուցվածքների զարգացում, մասնավորապես այլընտրանքային փոխադրումների ստեղծման հնարավորություն հաշվի առնելով նաև «շուտ փչացող» ապրանքների արտադրությունը,
- Արտադրողականության բարձրացում, վերազինման հնարավորությունների ստեղծման ճանապարհով:

Վերոնշյալ զարգացման ուղղությունների համար կներդրվեն տարբեր գործիքներ և կիրականացվեն միջոցառումներ, մասնավորապես՝

- օրենսդրական դաշտի բարելավում, որոնք կխթանեն և կպարզեցնեն արտահանման ընթացակարգերը,
- գործարար կապերի ստեղծում, համաժողովների, ցուցահանդեսների կազմակերպում և մասնակցություն,
- տեխնոլոգիական ցուցահանդեսների այցելությունների և պրակտիկաների կազմակերպում,
- Արտասահմանյան մասնագետի ներգրավում
- Վերազինման համար պետական աջակցության գործիքների մշակում և գործող գործիքների ընդլայնում,
- փոխադարձ այցելությունների կազմակերպում, մասնավորապես՝ նպատակային շուկաներում գործող դիստրիբյուտորների և այլ օժանդակ կառույցների այցելություններ Հայաստան տեղական ընկերություններին ծանոթանալու համար
- առևտրային ներկայացուցչության ստեղծում նպատակային նոր շուկաներում:

Ակնկալվող արդյունքը

Վերոնշյալ զարգացման ուղղությունների և միջոցառումների ապահովման տրամաբանությամբ ակնկալվում է, որ մինչև 2026 թվականը մի քանի անգամ կավելանան ոլորտի արտադրության և արտահանման ծավալները, մասնավորապես՝

- Արտադրության ծավալը 2026 թվականին կկազմի մոտ՝ 3000 մլն ԱՄՆ դոլարին համարժեք դրամ:
- Արտահանման ծավալը 2026 թվականին կկազմի մոտ՝ 1500 մլն ԱՄՆ դոլարին համարժեք դրամ:
- Աշխատողների թվաքանակը 2026 թվականին կկազմի մոտ՝ 30000 մարդ:

4. Ոսկերչություն և ադամանդագործություն

Չարգացման ուղղությունները և հեռանկարները:

Ոլորտում օգտագործվող հումքն ամբողջությամբ ներկրվում է, իսկ վերջնական արտադրանքի զգալի մասն արտահանվում է տարբեր երկրներ: Ինչպես թեթև արդյունաբերության, այնպես էլ այս ոլորտին բնորոշ է երկու եղանակով գործունեության իրականացումը՝ արտապատվիրման և սեփական արտադրանքի թողարկման:

Հարկ է նշել, որ և՛ ադամանդագործության, և՛ ոսկերչական զարդերի արտադրության ենթաճյուղերին բնորոշ է բարձրորակ և թանկարժեք սեզմենտի համար արտադրանքի թողարկումը:

Եթե ադամանդագործության ենթաճյուղի արտադրանքը գրեթե ամբողջությամբ արտահանվում է, ապա ոսկերչական զարդերի արտադրության արտադրանքը հաջողությամբ իրացվում է նաև ներքին շուկայում:

Հայաստանի ոսկեգործության ոլորտի զարգացումը դեռևս բավարար հիմքերի վրա չի գտնվում, ամբողջությամբ օգտագործված չէ այն ներուժը, որն առկա է զարգացման համար:

Չարգացման առումով առկա են մի շարք խնդիրներ, և ոլորտի զարգացման ուղղությունները պետք է ներառեն այդ խնդիրների լուծումները: Մասնավորապես, խնդիրներից են՝ անհրաժեշտ և որակյալ հումքի ձեռքբերման դժվարությունները, կադրերի պակասը, շուկաներում ներկայանալու ցածր հնարավորությունները և այլն:

Ոլորտի զարգացման ուժեղ կողմերի շարքում կարելի է դասել Հայաստանի ոսկեգործության դարավոր ավանդույթները, հայ ոսկեգործության դրական համբավը որոշ արտահանման շուկաներում, հարկային և մաքսային արտոնյալ դաշտը Հայաստանում, Սփյուռքի ներդրումներով գործող ընկերություններով պայմանավորված՝ արտադրական նոր տեխնոլոգիաների և արտահանման շուկաների տիրապետումը:

Առաջիկա հինգ տարիների ոլորտի զարգացման ուղղությունը կլինի հետևյալը՝

- կբարելավվի հարկային օրենսդրությունը, որը կնպաստի ոլորտի զարգացմանը մասնավորապես կիրառելով ԱԱՀ-ի այլ դրույքաչափ, շուկայից ոսկու գնման պարզեցում եկամտային հարկի մասով և այլն,
- ադամանդի հումքի ձեռքբերման հնարավորությունների ընդլայնումը,
- սեփական բրենդների ստեղծում,
- ոսկու՝ որպես հումք, ձեռքբերման հնարավորությունների ընդլայնումը՝ օգտագործելով ԵԱՏՄ անդամ երկրների գտարկվող ոսկու առկայությունը,
- արտահանման շուկաներում ոլորտի արտադրանքի ներկայացվածության մակարդակի բարձրացումը,
- ԵԱՏՄ համագործակցությամբ ձևավորված հնարավորությունների օգտագործումը,

- մասնագիտական կադրերի ձևավորման նպաստումը:

Վերոնշյալ զարգացման ուղղությունների համար կներդրվեն տարբեր գործիքներ և կիրականացվեն միջոցառումներ, մասնավորապես՝

- տեղական ադամանդագործական ընկերություններին ադամանդի հումքով ապահովելու նպատակով կստեղծվի պետական ընկերություն, որն ընկերությունների պահանջարկին համապատասխան կօժանդակի հումքի ձեռքբերման գործընթացում,
- օժանդակություն կցուցաբերվի կադրերի պատրաստման հարցում,
- ադամանդի հումքի ձեռքբերման նպատակով այլընտրանքային մատակարարների հետ կիրականացվեն բանակցություններ,
- կկիրառվեն պետական աջակցության գործիքներ ոլորտի արտադրանքն արտահանման շուկաներում առաջ մղելու նպատակով,
- օգտագործելով ԵԱՏՄ ոսկերչական բյուրոյի հնարավորությունները՝ կմշակվեն և կներդրվեն աջակցության գործիքներ միասնական արտահանման խթանման նպատակով:

Ակնկալվող արդյունքը

Վերոնշյալ զարգացման ուղղությունների և միջոցառումների ապահովման տրամաբանությամբ ակնկալվում է, որ մինչև 2026 թվականը մի քանի անգամ կավելանան ոլորտի արտադրության և արտահանման ծավալները, մասնավորապես՝

Արտադրության ծավալը 2026 թվականին կկազմի մոտ՝

- Ոսկերչական արտադրանք՝ 150 մլն ԱՄՆ դոլարին համարժեք դրամ:
- Ադամանդագործական արտադրանք՝ 650 մլն ԱՄՆ դոլարին համարժեք դրամ:

Արտահանման ծավալը 2026 թվականին կկազմի մոտ՝

- Ոսկերչական արտադրանք՝ 90 մլն ԱՄՆ դոլարին համարժեք դրամ:
- Ադամանդագործական արտադրանք՝ 630 մլն ԱՄՆ դոլարին համարժեք դրամ:

Աշխատողների թվաքանակը 2026 թվականին կկազմի մոտ՝

- Ոսկերչական զարդերի արտադրություն՝ 1600 մարդ
- Ադամանդների մշակում՝ 2300 մարդ:

5. Ծանր արդյունաբերություն

Զարգացման ուղղությունները և հեռանկարները:

Մետալուրգիական և քիմիական արդյունաբերության ոլորտը Հայաստանում կարելի է որակել որպես զարգացող, սակայն անհրաժեշտ է իրականացնել հավելյալ քայլեր զարգացման նոր ուղղություններ հիմնելու նպատակով:

Ներկայումս Կառավարության կողմից գործուն քայլեր են ձեռնարկվում երկրորդային հումքը տեղում վերամշակելու և տեղական արդյունաբերական ձեռնարկություններին հնարավորություն ընձեռելու զարգացնել սեփական արտադրությունները՝ օգտագործելով սև և գունավոր մետաղների ջարդոնը և թափոնը:

Մետալուրգիայի զարգացումը պետք է հետագայում դիտարկել ոչ միայն մետաղի արտադրությամբ, այլ նաև դրանից ստացվող այլ արտադրատեսակների զարգացման համատեքստում:

Սև և գունավոր մետաղների ջարդոնն ու թափոնները Հայաստանի համար հանդիսանում են ռազմավարական նշանակություն ունեցող հումք՝ հաշվի առնելով այն հանգամանքը, որ Հայաստանում չկա սև և գունավոր մետաղների արտադրություն, և ջարդոնի և թափոնի երկրորդային վերամշակմամբ կարելի է լրացնել այդ ապրանքների պակասը:

Մետալուրգիական ոլորտի զարգացման տեսլականը պետք է հիմնվի Հայաստանում արդյունահանվող հումքի առավել խորը վերամշակման հանգամանքի վրա, իսկ քիմիական ոլորտի զարգացումը պետք է դիտարկել փոքր և կենցաղային քիմիայի ու մետալուրգիայի ճյուղի գործունեության արդյունքում առաջացած քիմիական նյութերի վերամշակման ուղղությամբ:

Մասնավորապես, ներկայումս Հայաստանում գործում են շուրջ 30 մետաղագործական և մետաղամշակման ընկերություններ, որոնց արտադրանքն ամբողջությամբ կամ մասնակի հիմնված է տեղական մետաղական ջարդոնի և թափոնի օգտագործման վրա: Օրինակ՝ Չարենցավանի «Ձուլակենտրոն», «Ասկե-գրուպ», Երևանի «Ջրկոնստրուկցիա», «Նիկոլ Դուման», «Էդմետ», «Ին-Վի լայն», ինչպես նաև Էլեկտրական լարեր արտադրող մի շարք ընկերություններ օգտվում են տեղական սև և գունավոր մետաղների ջարդոնից և թափոնից:

Ներմուծված մետաղով աշխատելու դեպքում նշված ընկերությունների արտադրանքի ինքնարժեքը կբարձրանա մի քանի անգամ՝ դարձնելով ոչ մրցունակ վերջիններիս արտադրանքը:

Մետալուրգիական արդյունաբերության բազայի ձևավորման հիման վրա հազվագյուտ մետաղների արտադրության կազմակերպումը կապված է մեծ ներդրումների հետ:

Անհրաժեշտ է նկատի ունենալ, որ ՀՀ-ում առկա է բավական մեծ ներուժ հազվագյուտ մետաղների՝ ռենիումի, սելենի, թելուրի, կադմիումի, բիսմութի և այլ արտադրությունների կազմակերպման համար:

Քիմիական արդյունաբերության ճյուղը հիմնականում ներկայացված է ներկերի և լաքերի, դեղագործական, ռետինե ու պլաստմասսայե լվացող ու մաքրող, այլ քիմիական նյութերի արտադրություններով: Ոլորտում գործում են մի շարք ընկերություններ ևս, որոնք արտադրում են բարձր որակի շինանյութեր, այդ թվում՝ ներկեր, լաքեր, Էմուլսիաներ, լուծիչներ, լվացող միջոցներ և այլն:

Մետալուրգիական արտադրությունը փոխկապակցված քիմիայի հետ: Փոքր և

միջին քիմիայի արտադրական պահանջարկը պայմանավորված է մարդկային գործունեության բազմաթիվ բնագավառներում (բժշկություն, էլեկտրոնիկա, գյուղատնտեսություն, շինարարություն, մեքենաշինություն, պարֆյումերային արդյունաբերություն, կենցաղ) որոշակի հատկություններով օժտված նյութերի լայն տեսականու կիրառությամբ: Այս ոլորտում համաշխարհային շուկայում ստեղծված իրավիճակը բնութագրվում է արագ փոփոխվող և նորացվող տեսականու շարունակաբար աճող պահանջարկով:

Հայաստանը պատկանում է քիմիայի ոլորտում նորագույն տեխնոլոգիաներ, գիտատար մշակումներ ստեղծելու ունակ երկրների թվին՝ քիմիական գիտության ավանդաբար բարձր մակարդակի և արհեստավարժ կադրերի պատրաստման համակարգի շնորհիվ, ինչը թույլ է տալիս այստեղ փոքր և միջին քիմիայի զարգացման հեռանկարը հիմնավորված համարել: Գերխնդիրը նոր տեխնոլոգիաների մշակմանն անհրաժեշտ տեխնոլոգիաների առևտրայնացման գործընթացի ակտիվացման, պատվերների ձևավորման ու որակի վերահսկման ժամանակակից համակարգին անհրաժեշտ նախադրյալներ ստեղծելն է:

Առաջիկա հինգ տարիների ոլորտի զարգացման ուղղությունները կլինեն հետևյալը՝

- տեղական հումքի առավել խորը վերամշակման ապահովում,
- մետալուրգիայում նորարարական գործունեության ակտիվացումը,
- պղնձից նոր արտադրատեսակների արտադրությունների կազմակերպումը,
- համապատասխան մասնագիտական կադրերի պատրաստումը և ապահովումը,
- անհրաժեշտ հումքային բազայի վերականգնումը և զարգացումը, մասնավորապես սև ու գուևավոր մետաղների ջարդոնի արտահանման արգելքի կիրառման շարունակականության ապահովումը, առաջնորդվելով քայլ առ քայլ վերամշակումը խարացնելու սկզբունքով,
- քիմիական տեխնոլոգիաների մշակման ու փոխանցման ծրագրերին աջակցությունը,
- գիտություն-արտադրություն կապերի, այդ թվում՝ գիտական հետազոտությունների ծրագրերում մասնավոր հատվածի հետ համագործակցությանը նպաստող կառուցակարգերի զարգացման նորմատիվ-իրավական հիմքերի ստեղծումը:

Վերոնշյալ զարգացման ուղղությունների համար կներդրվեն տարբեր գործիքներ և կիրականացվեն միջոցառումներ, մասնավորապես.

- կիրականացվի նոր պղնձաձուլարանի կառուցմանն ուղղված աշխատանքներ,
- պղնձի արտադրության ոլորտում հնարավորինս կերկարացվի արտադրական շղթան, կխթանվի ավելի բարդ և բարձրարժեք արտադրանքի թողարկումը,
- արտադրողականության բարձրացման և մրցունակ արտադրանքի թողարկման նպատակով կներդրվի տեխնոլոգիական վերազինման պետական աջակցության գործիքակազմ,
- կձևավորվեն գործուն մեխանիզմներ մասնագիտական և բանվորական

- կադրերի պատրաստման համար,
- կիրականացվեն աշխատանքներ մետալուրգիական արտադրության արդյունքում առաջացող քիմիական նյութերի վերամշակման գործարանի կառուցման ուղղությամբ,
 - կմշակվեն աջակցության գործիքներ՝ ուղղված տեղական հումքային բազայի ստեղծման և ներկրվող հումքի հասանելիության ապահովման համար,
 - կշարունակվեն գործող և ոլորտի առանձնահատկություններից ելնելով կներդրվեն նոր աջակցության գործիքներ արտաքին շուկաներ առաջմղման նպատակով,
 - արտասահմանյան և հայրենական փորձի ուսումնասիրման և վերապատրաստման միջոցով կբարձրացվի կադրային ներուժի մակարդակը:

Ակնկալվող արդյունքը

Վերոնշյալ զարգացման ուղղությունների և միջոցառումների ապահովման տրամաբանությամբ ակնկալվում է, որ մինչև 2026 թվականը մի քանի անգամ կավելանան ոլորտի արտադրության և արտահանման ծավալները, մասնավորապես՝

- Արտադրության ծավալը 2026 թվականին կկազմի մոտ 1700 մլն ԱՄՆ դոլարին համարժեք դրամ:
- Արտահանման ծավալը 2026 թվականին կկազմի մոտ 1500 մլն ԱՄՆ դոլարին համարժեք դրամ:
- Աշխատողների թվաքանակը 2026 թվականին կկազմի մոտ 10000 մարդ:

6. Սարքաշինություն

Չարգացման ուղղությունները և հեռանկարները:

Սարքաշինության ոլորտը սահմանվում է որպես բարձր ճշգրտությամբ և/կամ գիտատարության բարձր մակարդակով բնորոշվող օպտիկական, էլեկտրոնային, մեխանիկական և մեքենաշինական արտադրանքով զբաղվող ընկերությունների համախումբ: Ոլորտը ՀՀ-ում կարելի է բնութագրել որպես՝ առավելաբար ԱՊՀ շուկաներ ուղղորդված, միջազգային կազմակերպությունների կողմից ֆինանսավորվող հետազոտական և հարակից փոքրամասշտաբ մի քանի արտադրական միավորների առկայությամբ, առավելաբար Հայաստանի և Ռուսաստանի շուկան սպասարկող ռազմական նշանակություն ունեցող արտադրություն ունեցող, միջազգային շուկայում մրցունակ սահմանափակ արտադրանքների առկայությամբ:

Հարկ է նշել, որ ոլորտը համարվում է գիտատար և ունի հնարավորություն նոր տեխնոլոգիաների կլանման, գիտական հենքի վրա նոր արտադրատեսակների արտադրության կազմակերպման:

Ներկայումս առանձնանում է նաև միկրոէլեկտրոնիկայի ուղղությունը, որը կարող է արձանագրել արտահանման բարձր ցուցանիշներ օգտագործելով

ԵԱՏՄ շուկայի հբարավորությունները:

Այս ճյուղում տենդենցներ են նկատվում նաև արևային տեխնոլոգիաների զարգացման առումով, ինչը նաև ամրագրվում է միջազգային պահանջարկով:

«Արևային ֆոտովոլտային կայանի կառուցման ներդրումային ծրագրի» առաջին փուլով մեկնարկել է ՀՀ Գեղարքունիքի մարզի Մասրիկ տեղանքում 55 ՄՎտ պիկային հզորությամբ Մասրիկ-1 արդյունաբերական մասշտաբի արևային ֆոտովոլտային կայանի կառուցման ծրագիրը:

Հայաստանի՝ արևային էներգետիկայի ներուժը ներկայումս հիմնականում կլանում է ներմուծվող սարքավորումները, մասնավորապես՝ ներմուծվում են ինչպես արևային պանելների, ջրատաքացուցիչ համակարգերի առանձին մասեր, դրանց հետագա հավաքակցման նպատակով, այնպես էլ ամբողջական համակարգեր:

Մշակվել է օրենսդրական փաթեթ, որը հնարավորություն կընձեռի ցանկացած սպառողի արտադրել էներգիա իր կարիքների համար, իսկ ավելցուկը՝ վաճառել:

Արևային տեխնոլոգիաների զարգացման համար անհրաժեշտ ներդրումների խթանումը հնարավորություն է տալիս զարգացնել տնտեսության այլ հարակից ոլորտները:

Արևային ֆոտովոլտային տեխնոլոգիաների զարգացումը հնարավորություններ է ստեղծում ոչ մետաղական հանքարդյունահանության և քիմիական արդյունաբերության զարգացման, կիսահաղորդչային տեխնոլոգիաների և կիսահաղորդչային թերմոգեներատորների արտադրության զարգացման համար:

Արևային տեխնոլոգիաների ոլորտը Հայաստանում կարելի է որակել որպես դինամիկ զարգացող, սակայն անհրաժեշտ է իրականացնել հավելյալ քայլեր զարգացման նոր ուղղություններ հիմնելու ուղղությամբ:

Չարգացման ուղղություններն ընտրելիս պետք է առաջնորդվել այն հանգամանքով, որ արևային էներգետիկայի սարքավորումների տեղական արտադրողների համար բավականին մեծ շուկա է հանդիսանում տեղական շուկան, համաշխարհային միտումներն ուղղված են էկոլոգիապես մաքուր տեխնոլոգիաների զարգացմանը, ոլորտը հանդիսանում է գիտատար և այլն:

Այս ճյուղի զարգացման տեսանկյունից շեշտադրումը կկատարվի **մեքենաշինության, միկրոէլեկտրոնիկայի և արևային տեխնոլոգիաների** ենթաճյուղերի զարգացման տեսանկյունից:

Առաջիկա հինգ տարիների ոլորտի զարգացման ուղղությունը կլինի հետևյալը՝

- ՕՈՆ-երի ներգրավումը
- կարողությունների զարգացումը,
- Հայաստանի դիրքավորումը որպես հետազոտությունների և մշակումների ճանաչված տարածաշրջանային հանգույց,

- մասնագիտացված ճարտարագիտական քլաստերների ձևավորումը,
- շուկաների դիվերսիֆիկացիան,
- երկրի բրենդինգը ճարտարագիտության ասպարեզում,
- մտավոր սեփականության պաշտպանության համակարգի զարգացումը,
- գիտելիքի առևտրայնացման համակարգի հիմնումը,
- արևային տեխնոլոգիաների արքավորումների տեղական արտադրողների և ներմուծվող արտադրատեսակների համար հավասար մրցակցային դաշտի ստեղծում,
- արևային տեխնոլոգիաների սարքավորումների ոլորտի զարգացման նպատակով մատչելի ֆինանսական ռեսուրսների ապահովում,
- տեղական շուկայում տեղական արտադրանքի իրացման ծավալների ավելացման խթանում,
- Համապատասխան մասնագիտական կադրերի ապահովում:

Վերոնշյալ զարգացման ուղղությունների համար կներդրվեն տարբեր գործիքներ և կիրականացվեն միջոցառումներ, մասնավորապես՝

- արդյունաբերական կլաստերի հիմնման աջակցություն,
- անդրազգային կորպորացիաների ներգրավման միջոցառումների իրականացում,
- անդրազգային կորպորացիաների հետազոտությունների և մշակումների կենտրոնների ներգրավում,
- հզոր համակարգիչների «**սուպեր կոմպյուտեր**» և գիտական, հետազոտական սարքավորանքի ներկրման օժանդակության տրամադրում,
- Նորարարական բիզնես նախագծերի բացահայտում,
- տեխնոպարկի և արդյունաբերական գոտու հիմնում,
- շուկաների մասին տեղեկացվածության և խորհրդատվության ապահովում,
- գործարար կապերի հաստատման աջակցություն,
- արտադրանքի միջազգային սերտիֆիկացման նպատակով օժանդակության տրամադրում,
- արտադրողականության բարձրացման, մրցունակ արտադրանքի թողարկման և նոր արտադրությունների ստեղծման կամ եղածի ընդլայնման նպատակով պետական աջակցության գործիքակազմ, մասնավորապես վարկերի տոկոսադրույքների սուբսիդավորում, լիզինգի տոկոսադրույքների սուբսիդավորում,
- կօգտագործվեն և կընդլայնվեն ազատ տնտեսական գոտիներում եղած հնարավորությունները,
- Ներքին շուկայում կստեղծվեն պայմաններ ներկրվող նմանատիպ ապրանքների հետ հավասար մրցակցության համար, մասնավորապես՝ մաքսային, սերտիֆիկացման, գովազդային և այլ գործընթացների արդյունավետության բարձրացմամբ,
- կներդրվեն գործիքներ՝ սպառողների համար համապատասխան արտոնությունների կիրառման նպատակով, որի արդյունքում տեղական սպառումը ևս կդառնա մրցունակ,
- կշարունակվեն գործող և կներդրվեն նոր աջակցության գործիքներ արտաքին շուկաներ առաջմղման նպատակով:

Ակնկալվող արդյունքը

Վերոնշյալ զարգացման ուղղությունների և միջոցառումների ապահովման տրամաբանությամբ ակնկալվում է, որ մինչև 2026 թվականը մի քանի անգամ կավելանան ոլորտի արտադրության և արտահանման ծավալները, մասնավորապես՝

- Արտադրության ծավալը 2026 թվականին կկազմի մոտ 500 մլն ԱՄՆ դոլարին համարժեք դրամ:
- Արտահանման ծավալը 2026 թվականին կկազմի մոտ 350 մլն ԱՄՆ դոլարին համարժեք դրամ:
- Աշխատողների թվաքանակը 2026 թվականին կկազմի մոտ 5000 մարդ:

7. Դեղագործություն

Զարգացման ուղղությունները և հեռանկարները:

Դեղագործության ոլորտը Հայաստանում կարելի է որակել որպես կայուն զարգացող, սակայն ՀՀ դեղագործական ընկերությունները զգալի ներդրումներ պետք է իրականացնեն արտադրական տարածքները և սարքավորումները միջազգային չափանիշներին համապատասխանեցնելու, արտադրողականության բարձրացման, ինչպես նաև զարգացման նոր ուղղություններ հիմնելու ուղղությամբ:

Ոլորտի զարգացման կարևոր նախապայման է նաև արտահանման ներուժի զարգացումը, այդ թվում արտահանման շուկաների դիվերսիֆիկացումը:

Ոլորտի զարգացման հնարավորությունների շարքում կարելի է դասել նաև նոր դեղերի արտադրության կազմակերպումը, ինչը հնարավորություն կտա որոշակիորեն իրականացնել ներմուծման փոխարինում տեղական շուկայում, և օգտագործել տեղական գիտական մշակումները՝ թողարկելով նոր դեղատեսակներ արտահանման համար:

Վերջիններիս առնչությամբ զարգացման քաղաքականությունն ուղղված կլինի մասշտաբային ներդրումների ներգրավմանը, համակարգային խնդիրների լուծմանը և արտադրական/արտահանման կարողությունների զարգացմանը:

Ոլորտի զարգացման համար կարևոր խթան կհանդիսանա նաև պետական աջակցության տրամադրումը, որի շրջանակներն այս ոլորտում ներառելու են ֆինանսական մատչելիության ապահովումը, անդրազգային ընկերություններին դեպի Հայաստան ներգրավելու աշխատանքները և այլ գործիքներ:

Առաջիկա հինգ տարիների ոլորտի զարգացման ուղղությունը կլինի հետևյալը՝

- միջազգային ճանաչում ունեցող ոլորտի խոշոր խաղացողներին ՀՀ դեղագործության ոլորտում ներգրավումը,
- ոլորտում միջազգային բարձր ստանդարտներ (GMP և այլն) ներդրումը,
- տեղական հումքային բազայի ստեղծումը, ինչը հնարավորություն կտա Եվրասիական տնտեսական միությունում ինտեգրացիոն

գործընթացների շրջանակներում ստանձնել այդ գործընթացի ինչ-որ մասը՝ հաշվի առնելով այն հանգամանքը, որ Հայաստանում դեռևս գործում են փոքր քիմիայի ձեռնարկություններ,

- արտահանման շուկայի ընդլայնումն ու դիվերսիֆիկացումը,
- դեղագործության ոլորտի համար անհրաժեշտ ենթակառուցվածքների ստեղծումը,
- համապատասխան մասնագիտական կադրերի ապահովումը,
- դեղագործական արդյունաբերության մեջ աշխատանքի արտադրողականության բարձրացումը,
- ներքին շուկայում հայրենական դեղերի մասնաբաժնի աճը:

Վերոնշյալ զարգացման ուղղությունների համար կներդրվեն տարբեր գործիքներ և կիրականացվեն միջոցառումներ, մասնավորապես՝

- Կմշակվի պետական աջակցության գործիքակազմ, որն ուղղված կլինի արտահանման շուկաներում ներկայացման, արտահանվող շուկաներում դեղերի գրանցման, կլինիկական փորձարկումների, միջազգային ստանդարտների ներդրման, մատչելի ֆինանսական ռեսուրսների ձևավորման և այլ աջակցությանը,
- ոլորտի խոշոր «խաղացողներին» ներգրավելու համար կձևավորվի նպաստավոր միջավայր,
- կստեղծվի դեղագործական արդյունաբերական գոտի,
- կխթանվի պատվաստանյութերի արտադրության կազմակերպումը,
- կխթանվի ոլորտի բուհական և գիտահետազոտական հաստատությունների հետ կապը: Բուհերում և ձեռնարկություններում լրացուցիչ մասնագիտական կրթության ծրագրերի ստեղծում, սեմինարներ դեղերի արտադրության ժամանակակից տեխնոլոգիաների վերաբերյալ,
- կխթանվի ԵԱՏՄ միասնական շուկայի հնարավորություններից օգտվելը:

Ակնկալվող արդյունքը

Վերոնշյալ զարգացման ուղղությունների և միջոցառումների ապահովման տրամաբանությամբ ակնկալվում է, որ մինչև 2026 թվականը մի քանի անգամ կավելանան ոլորտի արտադրության և արտահանման ծավալները, մասնավորապես՝

- Արտադրության ծավալը 2026 թվականին կկազմի մոտ 300 մլն ԱՄՆ դոլարին համարժեք դրամ:
- Արտահանման ծավալը 2026 թվականին կկազմի մոտ 250 մլն ԱՄՆ դոլարին համարժեք դրամ:
- Աշխատողների թվաքանակը 2026 թվականին կկազմի մոտ 2500 մարդ:

Սույն հայեցակարգը հիմք կհանդիսանա վերոնշյալ ոլորտների ռազմավարական փաստաթղթերի մշակման համար: